

考
工
記
圖

戴君東原始爲考工記作圖也圖後附以已說而無注
乾隆乙亥夏余初識戴君奇其書欲付之梓遲之半載
戴君乃爲余刪取先後鄭注而自定其說以爲補注又
越半載書成仍名曰考工記圖從其始也戴君語余曰
昔丁卯戊辰間先師程中允出是書以示齊學士次風
先生學士一見而歎曰誠奇書也今再遇子奇之是書
可不憾矣戴君浚明古人小學故其考證制度字義爲
漢已降儒者所不能及以是求之聖人遺經發明獨多
詩三百尚書二十八篇爾雅等皆有撰著自以爲恐成
書太早而獨於考工記則曰是亞於經也者考證雖難

要得其詳則止矣。余以戴君之說與昔儒舊訓參互校覈，較末之軹，明其當作軹，不得與輿人之軹，軹二名，溷淆。今字書併軹字無之。車人徹廣六尺，以鬲長車廣當相等，兩轅之間六尺，旁加輻內六寸，輻廣三寸，綬寸，合左右凡二尺，則大車之徹亦八尺。字譌八爲六，弓人膠三錡，一弓之膠不得過兩有十銖二十五分銖之十四，正其當爲三銖。此皆記文之誤。漢儒已莫之是正者，後鄭謂軹與後橫木戴君乃曰軹，人言軹，閒左右名軹之證也。加軹與轅，弓長庇軹，軹方象地，前後左右通名軹之證也。軹人任正衡，任鄭以當軹與衡而謂軹爲輿下

三面材騎式之所對戴君乃曰此爲下當兔圍軸圍發其意也若騎式之所對宜記於輿人今輶人爲之殆非也鄭以戈胡句倨外博爲胡上下戴君曰此不宜與已倨已句字義有異鄭引許叔重說文解字及東萊稱證鍤鍤數同戴君乃曰鍤之假借字作垸鍤之假借字史記作率漢書作選伏生尚書大傳作饌數小大相縣合爲一未然也戟刺長短無文鄭氏旣未及賈公彥云蓋與胡同六寸戴君則曰戈一援戟二援也中直援名刺與枝出之援同長七寸有半寸刺連內爲一直刃通長尺有二寸猶夫戈之直刃通長尺有二寸也桃氏爲劍

中其莖設其後鄭訓設爲大謂從中已後稍大之戴君曰不當與設其旋設其羽之屬異義後謂劍環在人所握之下故名後與劍首對稱矣鍾之鉦閒無文鄭以爲與鼓閒六等而合舞廣四爲鍾長十六戴君乃曰鍾自銑至鉦自鉦至舞斂綱以二準諸句股濶銑閒八鉦閒亦八是爲鍾長十六舞者其上覆脩六廣四蓋鍾羨之度不當在鍾長之數玉案以承棗栗莫詳其制戴君引於禁及漢小方案定其有四周而局足廬人句兵欲無彈刺兵欲無蝟鄭皆訓之爲掉戴君讀彈如圯壇之壇轉掉也蝟搖掉也其所以補正鄭氏注者精審類如此

他若因嘉量論黃鍾少宮因玉人土圭匠人爲規識景
論地與天體相應寒暑進退晝夜永短之理辯天子諸
侯之官三朝三門宗廟社稷所托詳明堂个與夾室之
制申井田溝洫之瀦觸事廣義俾古人制度之大暨其
禮樂之器昭然復見於今茲是書之爲治經所取益固
鉅然戴君不喜馳騁其辭但存所是文畧又於駟人龍
旂鳥旗之屬梓人箕虞車人大車羊車之等圖不具其
言曰思而可得者微見其端要留以待成學治古文者
之致思可也斯誠得論著之體矣余獨慮守章句之儒
不知引伸膠執舊聞沾沾然動其矜也是以論其大指

以爲之序。首河間紀昀撰

考工記圖上

立度辨方之文圖與傳注相表裏者也。自小學道遠好古者靡所依據。凡六經中制度禮儀聚之傳注。既多違誤而爲圖者又往往自成詁訓。異其本經古制。所以日就荒謬不聞也。舊禮圖有梁鄭阮張夏侯諸家之學失傳已久。惟晉崇義三禮圖二十卷見於世。於考工諸器物尤疏舛。同學治古文辭有苦考工記難讀者。余語以諸工之事非精究少廣。苟要固不能推其制以盡文之與曲。鄭氏注善矣。茲爲圖翼贊鄭學。擇其正論補其未逮。圖傳某工之下。俾學士顯白。



觀之因一卷書當知古六書九數等儒者結髮從事
今或皓首未之聞何也休寧戴震

國有六職百工與居一焉或坐而論道或作而行之或
審曲面勢以飭五材以辨民器或通四方之珍異以資
之或飭力以長地財或治絲麻以成之坐而論道謂之
王公作而行之謂之士大夫審曲面勢以飭五材以辨
民器謂之百工通四方之珍異以資之謂之商旅飭力
以長地財謂之農夫治絲麻以成之謂之婦功與音預勢
同景竹丈反
注作起也辨猶具也辨辨古
今字鄭司農云審曲面勢審察
五材曲直方面形勢之宜以治之及陰陽之面皆是

也春秋傳曰天生五材民竝用之謂金木水火土也
粵無鑄燕無函秦無廬胡無弓車粵之無鑄也非無鑄
也夫人而能爲鑄也燕之無函也非無函也夫人而能
爲函也秦之無廬也非無廬也夫人而能爲廬也胡之
無弓車也非無弓車也夫人而能爲弓車也

鑄音博廬音吳反
說文作廬夫音扶

注鑄田器鄭司農云函鎧也廬謂矛戟柄竹櫜秘

知者創物巧者述之守之世謂之工百工之事皆聖人
之作也爍金以爲刃疑土以爲器作車以行陸作舟以
行水此皆聖人之所作也天有時地有氣材有美工有
巧合此四者然後可以爲良材美工巧然而不良則不

時不得地氣也。橘踰淮而北爲枳。鸛鴒不踰濟。貉踰汶則死。此地氣然也。鄭之刀。宋之斤。魯之削。吳粵之劍。遷乎其地而弗能爲良。地氣然也。燕之角。荆之幹。玃胡之筈。吳粵之金錫。此材之美者也。天有時以生。有時以殺。草木有時以生。有時以死。石有時以泐。水有時以凝。有時以澤。此天時也。

知音智剋剋古字通幹古旱反俗作幹玃扶云反筈讀爲葉泐音拔澤音穰

注：幹，柘也。可以爲弓弩之幹。玃，胡胡子之國。在楚旁。筈，矢幹也。鄭司農云：泐，謂石解散也。夏時盛暑大熱，則然。

凡攻木之工七，攻金之工六，攻皮之工五，設色之工五。

旂

刮古八反搏音博埴時職反與俗作栗龜書或作鞠匹學反韓音通恍莫黃反柳側筆反旂從瓦方聲甫岡反

注攻猶治也搏之言拍也

搏釋文有團博二音團音當手旁事搏音手旁事絕然二字誤漏其辨鄭注搏

之言拍取音聲相通為訓拍古音濁各反釋名云拍搏也手搏其上也又云搏博也四指廣博亦侶擊之也據此定從博音

埴黏土也

梓榎屬也

有虞氏上陶夏后氏上匠殷人上梓周人上輿故一器而工聚焉者車為多車有六等之數車軫四尺謂之一等戈秘六尺有六寸既建而施崇於軫四尺謂之二等

人長八尺崇於戈四尺謂之三等及長等有四尺崇於人四尺謂之四等車戟常崇於及四尺謂之五等酋矛常有四尺崇於戟四尺謂之六等車謂之六等之數

以兵反

注此所謂兵車也八尺曰尋倍尋曰常及長丈二戈

及戟矛皆插車轆

車轆外設局戈及戟矛所建

鄭司農云迪謂著戈於

車邪倚也

凡察車之道必自載於地者始也是故察車自輪始凡察車之道欲其樸屬而微至不樸屬無以為完久也不微至無以為戚速也

樸音剝反屬章欲反戚聲同

注樸屬猶附著堅固貌也齊人有名疾為戚者春秋

傳曰蓋以操之爲已蹇矣。鄭司農云微至謂輪至地者少言其圓甚著地者微爾。著地者微則易轉故不微至無以爲戚數。

輪已崇則人不能登也。輪已庳則於馬終古登陲也。陲反

注已太也甚也。齊人之言終古猶言常也。陲阪也。輪庳則難引。

故兵車之輪六尺有六寸。田車之輪六尺有三寸。乘車之輪六尺有六寸。乘繩

陲反

注此以馬大小爲節也。兵車革路也。田車木路也。乘車玉路金路象路也。帶兵車乘車駕國馬。田車駕田

馬

六尺有六寸之輪軹崇三尺有三寸也加軫與轅焉四尺也人長八尺登下以爲節

軹當作軹音筭
轅同傳木反

注鄭司農云轅謂伏兔也立謂軹轂末也此軫與轅筭七寸田車又宜減焉

補注轂末之軹故書本作軹

從車
行聲

讀如簪筭之筭轂末

出輪外佯筭出髮外也

軹字見大取注
杜子春改爲軹

軹軹軌軌四字經

傳中往往譌濶先儒以其所知改所不知於是經書

字書不復有軹字矣

說具
轉車

輪人爲輪軹三材必以其時三材既具巧者和之轂也

者以爲利轉也輻也者以爲直指也牙也者以爲固抱也輪敝三材不失職謂之完

牙讀如訝

注材在陽則中冬斬之在陰則中夏斬之今世轂用雜榆輻以檀牙以檀也鄭司農云牙謂輪輻也世閒或謂之罔

望而眡其輪欲其悞爾而下也進而眡之欲其微至也無所取之取諸圓也

悞莫歷反

注輪謂牙也悞均致貌也微至至地者少也非有他也圓使之然也

望其輻欲其掣爾而繼也進而眡之欲其肉稱也無所

取之取諸易直也

掣音朔織織通稱尺能反

注掣織殺小貌也肉稱弘殺好也

補注輻有鴻有殺侶人之臂緊故欲其掣爾而織不

擁腫也許叔重說文解字曰掣人臂貌

徐鍇云人臂稍長織好也

織好

手貌詩曰攢攢女手

今毛詩作攢傳云攢攢猶織織也

望其轂欲其睨也進而眡之欲其憊之廉也無所取之

取諸急也

睨當作輓古本反說文云周禮曰望其轂欲其輓輓徒到反

注睨出大貌也憊慢轂之革也革急則裹木廉隅見

補注說文輓齊等貌齊等者不撓減也轂欲其輓則

榦木圓甚不空又有廉隅以革憊轂欲廉廉之言斂

也負榦斂約也

如紵而搏
廉之廉

眠其纓欲其蚤之正也

纓音解蚤
爪古字通

注蚤當爲爪謂輻入牙中者也鄭司農云纓謂輪算

也立謂輪雖算爪牙必正也

疏云凡造車輪皆向外
算向外算則車不掉

補注輻上端入轂中用正柄下端入牙中用偏柄令

牙外出不與輻股散參值是爲纓纓之言偏算也蚤

正謂衆輻齊平雖有纓之減

纓參分
寸之二

蚤皆均正也

察其蚤蚤不齟則輪雖斂不匡

舊例吏反
齟五溝反

注舊謂輻入轂中者也蚤與爪不相侔乃後輪斂盡

不匡刺也

補注人齒危戾曰齧凡物刺起不平曰匡

凡斬轂之道必矩其陰陽陽也者積理而堅陰也者疏理而柔是故以火養其陰而齊諸其陽則轂雖敝不蘇

積之忍反
蘇音橫

注矩謂刻識之也積致也火養其陰炙堅之也蘇蘇

暴暴暴陰柔後必撓減憊革暴起

轂小而長則柞大而短則擊柞同窄莊百反
擊同陴魚別反

注鄭司農云柞謂輻閒柞狹也

補注擊者車行危隍不安

是故六分其輪崇以其一爲之牙圍

注六尺六寸之輪牙圍尺一寸

參分其牙圍而漆其二

注不漆其踐地者也漆者七寸三分寸之一不漆者三寸三分寸之二令牙厚一寸三分寸之二則內外面不漆者各一寸也

桴其漆內而中𪔐之以爲之轂長以其長爲之圍

注六尺六寸之輪漆內六尺四寸是爲轂長三尺二寸圍徑一尺三分寸之二也鄭司農云桴者度兩漆之內相距之尺寸也

補注大車短轂取其利也兵車乘車田車暢轂取其

安也六尺六寸之輪轂長三尺二寸則車行無危隍
之患圖亦三尺二寸以建三十輻則輻間無柞狹之
患周三尺二寸者徑尺有五分寸之一弱鄭注用六
觚之率周三徑一約計大數爾非圓率也

今其家圖率定於祖沖之隋書

律歷志曰古之九數圖周率三圖徑率一其術疏舛宋末南徐州從事史祖沖之更開密過以圖徑一億為一大圖周盈數三丈一尺四寸一分五釐九豪二秒七忽胸數三丈一尺四寸一分五釐九豪二秒六忽正數在盈胸二限之間密率圖徑一百一十三圖周三百五十五約率圖徑七周二十二

以其圍之防捐其藪

捐音簫藪素口反

注捐除也防三分之一也鄭司農云藪讀為蜂藪之
藪謂轂空壺中也立謂此藪徑三寸九分寸之五壺

中當輻蓄者也

疏云車轂之通其孔必大頭寬小頭狹當輻入處謂之藪寬狹處中而已

蜂藪者猶言

趨也。藪者衆輻之所趨也。

補注：捎空轂中如壺然，所以受軸，以密率計之，徑三寸五分，寸之二弱。

五分其轂之長，公一以爲賢，公三以爲軹。

公起呂反，軹當作軹。

注：鄭司農云，賢大穿也，軹小穿也。玄謂此大穿徑八寸十五分寸之八，小穿徑四寸十五分寸之四，大穿甚大，佯誤矣。大穿實五分轂長，公二也，公二則得六寸五分，寸之二。凡大小穿皆謂金也。今大小穿金厚一寸，則大穿穿內徑四寸五分，寸之二，小穿穿內徑二寸十五分寸之四。如是乃與藪相稱也。

今當作令，賈疏已誤。

補注以密率計之大穿徑六寸十分寸之一強小穿
徑四寸四十分寸之三弱軸徑四寸五分寸之一強
大穿穿內徑不得過四寸軸之兩端入轂中者稍殺
削之其當大穿處鋸截周遭少許則轂止不內侵

容轂必直陳篆必正施膠必厚施筋必數幬必負榦數色角反

注容者治轂爲之形容也篆轂約也幬負榦者革轂
相應無贏不足

既摩革色青白謂之轂之善

注謂丸漆之乾而以石摩平之疏云將漆之先以骨丸之待乾乃以石摩平之革色

青白善之徵也

參分其轂長二在外一在內以置其輻

注轂長三尺二寸者令輻廣三寸半則輻內九寸半輻外一尺九寸

凡輻量其鑿淡以爲輻廣輻廣而鑿淺則是以大抗雖有良工莫之能固鑿淡而輻小則是固有餘而強不足也故竝其輻廣以爲之弱則雖有重任轂不折

量音夏鑿音報反竝音結

注廣淡相應則固足相任也抗搖動貌弱菑也今人謂蒲本在水中者爲弱是其類也鄭司農云竝謂度之

弱菑

通

補注輻廣不得過三寸輻厚一寸奇菑厚蓋太半寸

三分之二為太三分之一為少漸殺至端不得過三分寸之一鄭用牧曰

量其鑿淡以為輻廣竝其輻廣以為之弱弱自與鑿淡相應反覆言之爾抗而不固則轂折轂不能持輻也。

參分其輻之長而殺其一則雖有淡泥亦弗之濂也。濂

濂讀為黏
女廉反

注殺衰小之也。

參分其股圍公一以為轂圍。轂苦
教反

注謂殺輻之數也鄭司農云股謂近轂者也轂謂近牙者也方言股以喻其豐故言轂以喻其細人脛近

足者細於股謂之骸羊脰細者亦謂骸

揉輻必齊平沈必均

揉說文作
揉而久反

注揉謂以火槁之衆輻之直齊如一也平沈平漸也

鄭司農云平沈謂浮之水上無輕重

直以指牙牙得則無槩而固

槩魚則反從
木熱省聲

注得謂倨句鑿內相應也

內柄同
即蚤

鄭司農云槩檜也蜀

人言檜曰槩

不得則有槩必足見也

見賢
通反

注必足見言槩大也然則雖得猶有槩但小爾

補注鄭用牧曰足者柄之下柄入鑿中而猶見其足

鑿太寬故也。槩小不足見槩大則足見無槩而固甚。言鑿柄相應不用槩亦固。

六尺有六寸之輪。纒參分寸之二。謂之輪之固。

注。輪。算。則。車。行。不。掉。也。參。分。寸。之。二。者。出。於。輻。股。鑿。之。數。也。

補注。固。謂。不。傾。掉。也。輪。不。算。必。左。右。佗。搖。故。輻。蚤。用。偏。柄。令。牙。出。於。輻。股。鑿。三。分。寸。之。二。如。此。則。重。執。微。注。於。內。兩。輪。訂。之。而。定。無。傾。掉。之。患。

凡爲輪行澤者。欲杼行山者。欲俾杼以行澤。則是刀以割塗也。是故塗不附。俾以行山。則是搏以行石也。是故

輪雖敝不類於鑿梓直呂反倅亡侯反
擇徒九反類音客

注梓謂削薄其踐地者倅上下等搏圓厚也類亦敝也
也以輪之厚石雖齧之不能敝其鑿旁使之動

凡揉牙外不廉而內不挫旁不腫謂之用火之善廉當
作熾

注廉絕也說文云熾火揉車網絕
也周禮曰揉牙外不廉挫折也腫癭也


是故規之以眡其圓也萬之以眡其匡也縣之以眡其
輻之直也水之以眡其平沈之均也量其數以黍以眡
其同也權之以眡其輕重之倅也故可規可萬可水可
縣可量可權也謂之國工萬音
俱

注輪中規則圓矣等爲萬莖以運輪上輪中萬莖則

不匡刺也輪輻三十上下相直從旁以繩縣之中繩則鑿正輻直矣平漸其輪無輕重則斲材均矣黍滑而齊以量兩壺無贏不足則同侔等也稱兩輪鈞石同則等矣輪有輕重則引之有難易

補注正輪之器名萬亦謂之萬蓂蓋與輪等大平可取準萬之縣之猶旅人之器中膊豆中縣也方言秦晉之間謂車弓曰枸蓂二者其狀仿佛故方俗同稱

輪 材三



輪人爲蓋達常圍三寸。梃圍倍之六寸。

梃讀如槓

注鄭司農云達常蓋斗柄下入杠中也。梃蓋杠也。

信其梃圍以爲部廣部廣六寸。

信伸古今字

注廣謂徑也。鄭司農云部蓋斗也。

部長二尺。

注謂斗柄達常也。

梃長倍之四尺者二。

注杠長八尺謂達常已下也。加達常二尺則蓋高一

丈立乘也。

補注鄭用牧曰部厚一寸連於達常通長二尺不計

其入程中者程長八尺亦不計其入與下者程建與
下達常建程中皆宜有數寸取其足相持爲度

十分寸之一謂之枚部尊一枚弓鑿廣四枚鑿上二枚
鑿下四枚

注尊高也蓋斗上隆高高一分也弓蓋橈也廣大也

是爲部厚一寸

鑿上下合六分并鑿
空四分共一寸也

鑿淡二寸有半下直二枚鑿端一枚

注鑿淡對爲五寸是以不傷達常也

達常徑
一寸弱

下直二枚

者鑿空下正而上低二分也其弓蓄則橈之平剡其
下二分而內之欲令蓋之尊終平不蒙撓也端內題

也

二枚一枚皆鑿端弓杪所至欲見鑿空下
正故曰下直二枚鑿端一枚便文協句爾

補注弓鑿外大內小外縱橫皆四分內縱二分

下直二枚是也

橫一分

鑿端一枚是也

下直者對上述為言鑿下外內同四分

鑿上外二分內四分加部尊焉

弓長六尺謂之庇軹五尺謂之庇輪四尺謂之庇軫

軹作軹

注庇覆也杜子春云謂覆幹也玄謂軹轂末也與廣

六尺六寸兩轂并六尺四寸旁減軌內七寸則兩軹

之廣凡丈一尺六寸也六尺之弓倍之加部廣凡丈

二尺六寸有宇曲之減可覆軹不及幹

幹銘古字通胡夏反
於文從斗為作幹非

參分弓長而揉其一

注參分之持長撓短短者近部而平長者爲宇曲也
六尺之弓近部二尺四尺爲宇曲

補注弓蓄入鑿中剡其下二分兩旁各剡一分有半
鑿空下平直則弓必上仰故揉其近部之二尺使平
外四尺自下迤而成宇曲

參分其股圍太一以爲蚤圍

注蚤當爲爪以弓鑿之廣爲股圍則寸六分也爪圍
一寸十五分寸之一

參分弓長以其爲一之尊上欲尊而宇欲卑上尊而宇
卑則吐水疾而鬻遠

注六尺之弓上近部平者二尺爪末下於部二尺二尺爲句四尺爲弦求其股股十二除之面三尺幾半也上近部平者也墮下曰宇蓋者主爲雨設也乘車無蓋禮所謂潦車謂蓋車與

蓋已崇則難爲門也蓋已卑是蔽目也是故蓋崇十尺注十尺其中正也蓋十尺宇二尺而人長八尺卑於此蔽人目

良蓋弗冒弗絃股而馳不隊謂之國工

股音

注隊落也善蓋者以橫馳於壘上無衣若無絃而弓不落也

部厚

部廣六寸

一丈

握長八尺

中隆二分

建常圓三寸

徑圓六寸

蓋弓

有八

蓋弓參分
其長而採
其一

四寸
三寸
二寸
一寸

蓋末下於部
二尺為句
蓋

凡句股各自乘并之為弦實弦自乘減
句自乘餘為股實減股自乘餘為句實
如圖以二尺為句四尺為弦而求其股
先以弦自乘得弦實十六尺次以句自
乘得句實四尺兩數相減餘十二尺為
股實開方除之得股長三尺四寸六分
有奇故鄭注云面三尺幾半也

與人爲車輪崇車廣衡長參如一謂之參稱

稱尺
證反

注車輿也衡之長容兩服

參分車廣六一以爲隧

注兵車之隧四尺四寸鄭司農云隧謂車輿濇也

參分其隧一在前二在後以操其式

注兵車之式濇尺四寸三分寸之二

補法式前車也記不言式較之長一在前其上三面

周以式則式長九尺五寸三分寸之一也二在後其

上爲較則左右較各長二尺九寸三分寸之一也

以其廣之半爲之式崇以其隧之半爲之較崇

注兵車之式高三尺三寸較兩轡上出式者兵車自較而下凡五尺五寸

六分其廣以一爲之軫圍

注軾與後橫者也兵車之軾圍尺一寸

補注輿下四面材合而收輿謂之軾亦謂之收獨以爲輿後橫者失其傳也輶人言軾閒則左右名軾之證也如軾與轆弓長底軾軾方象地則前後左右通名軾之證也

參分軾圍六一以爲式圍

注兵車之式圍七寸三分寸之一

參分式圍公一以爲較圍

注兵車之較圍四寸九分寸之八

參分較圍公一以爲軹圍

軹音尺

注兵車之軹圍三寸二十七分寸之七軹騎之植者

衡者也與轂末同名

說見前及釋車

參分軹圍公一以爲轡圍

注兵車之轡圍二寸八十一分寸之十四轡式之植者衡者也轡者以其鄉人爲名

補注鄭用牧曰較小於式者在兩旁用力少也軹在較下轡在式下長短不同故轡小於軹

圓者中規方者中矩立者中縣衡者中水直者如生焉
繼者如附焉中陟仲反直同植

注如生如木從地生如附如附枝之引殺也

凡居材大與小無并大倚小則摧引之則絕

注并偏衰相就也用力之時其大并於小者小者強
不堪則摧也其小并於大者小者力不堪則絕也

棧車欲弇棧鉏版反弇於檢反

注爲其無革輓不堅易圯壞也士乘棧車

飾車欲侈

注飾車謂革輓輿也大夫已上革輓輿

興



輶人爲輶輶有三度軸有三理

輶張留反

注輶車輶也

國馬之輶淡四尺有七寸

注國馬謂種馬戎馬齊馬道馬高八尺兵車乘車輶崇三尺有三寸加軫與轂七寸又并此輶淡則衡高八尺七寸也除馬之高則餘七寸爲衡頸之間也鄭司農云淡四尺七寸謂轂曲中

田馬之輶淡四尺

注田車輶崇三尺一寸半并此輶淡而七尺一寸半今田馬七尺衡頸之間亦七寸則軫與轂五寸半則

衡高七尺七寸

駑馬之軛淡三尺有三寸

注輪軛與軛轡大小之減率半寸也則駑馬之車軛崇三尺加軛與轡四寸又并此軛淡則衡高六尺七寸也今駑馬六尺除馬之高則衡頸之間亦七寸

軸有三理一者以爲嫩也二者以爲久也三者以爲利也軛前十尺而策半之

嫩美同軛音犯或作軛音犯

注策御者之策也鄭司農云軛謂式前也

補注車旁曰軛式前曰軛皆拵輿版也軛以拵式前故漢人亦呼曰拵軛詩謂之陰自軛至衡頸十尺據

輶穹隆言式衡之間八尺幾半也

凡任木任正者十分其輶之長以其一爲圍衡任者五分其長以其一爲之圍小於度謂之無任

注任正者謂與下三面材持車正者也輶軌前十尺與隧四尺四寸凡丈四尺四寸則任正之圍尺四寸五分之二衡任者謂兩輶之間也

輶即衡下鳥啄

兵車乘車

衡圍一尺三寸五分寸之一無任言其不勝任

補注輶衡軸皆任木任正者輶也衡任者軸也衡也此先發其意下文乃舉其制記中文體若是多矣與下之材合而成方通名輶故曰輶之方也以象地也

鄭注專以輿後橫木爲軫以輅式之所樹三面材爲軾又以軾爲任正者如其說宜記於輿人今輅人爲之殆非也輿人爲式較軾轡軫輅輅人爲輅衡軸伏兔記不言輅軾衡伏兔之度輅軾輿拊版爾衡圍準乎軸伏兔取節於輅當兔省文互見

五分其軫間以其一爲之軸圍

注軸圍亦一尺三寸五分之一、與衡任相應

補注左右軫之閒六尺六寸軸之長出轂末而以軫
閒爲度者主乎任輿之六尺六寸也軸橫輿下以任
輿卽所謂衡任者

十分其輶之長以其一爲之當兔之圍

注輶當伏兔者也亦圍尺四寸五分之二與任正者相應

補注輶所以引車也當兔在輿下正中其兩旁置伏兔車行以輶爲持任之正卽所謂任正者

參分其兔圍公一以爲頸圍

注頸前持衡者圍九寸十五分寸之九

五分其頸圍公一以爲踵圍

注踵後承軫者也圍七寸七十五分寸之五十一

凡揉輶欲其孫而無弧淡今夫大車之輶擊其登又難



既克其登其覆車也必易此無故惟轅直且無撓也是故大車平地既節軒擊之任及其登陲不伏其轅必繼其牛此無故惟轅直且無撓也故登陲者倍任者也猶能以登及其下地也不援其耶必緇其牛後此無故惟轅直且無撓也是故轡欲順典

孫音遜緇音秋順苦僂反典音殄

注孫順理也大車牛車也犖軻也鄭司農云關東謂紂爲緇

方言云車紂自關而東周洛韓鄭汝潁而東謂之紂或謂之曲緇或謂之曲緇自關而西謂之紂說文緇馬紂也韋馬尾乾也今之般緇

補注小車謂之軻大車謂之轅人所乘欲其安故小車暢轂梁軻大車任載而已故短轂直轅此假大車之轅以明揉軻使撓曲之故鄭用牧曰抑伏車轅及

逆援車箱之邸。謂登下必恃牽徬助之。願典者穹隆而堅強之貌。雖撓不傷其力也。

輶演則折淺則負。輶注則利準。利準則久。和則安。輶欲弧而無折。經而無絕。

注揉之太淡。傷其力。馬倚之則折也。揉之淺則馬善負之。經亦謂順理也。

補注。輶注謂淡淺適中也。輶之曲勢墮然下。注則車行有利。準之善利疾速也。準猶定也。平也。

進則與馬謀。退則與人謀。終日馳騁。左不櫪。行數千里。馬不契需。終歲御衣衽不敝。此惟輶之和也。

櫪或作泰
俗作僂

注、輶和則久馳騁載在左者不罷勞尊者任左

補注、契需猶趯懦方言謂畏便曰契需衽者衣裳之旁削幅也

勸登馬力馬力既竭輶猶能一取焉

注馬止輶尚能一前取道喻易進

補注登猶進也加也

良輶環漚自伏兔不至軌七寸軌中有漚謂之國輶

注伏兔至軌蓋如式淡兵車乘車式淡尺四寸三分寸之二漚下至軌七寸則是半有漚也輶有筋膠之被用力均者則漚遠鄭司農云環漚謂漆沂鄂如環

補注記反覆言輶之和溥耐久遠亦和之徵


軫之方也以象地也蓋之圓也以象天也輪輻三十以象日月也蓋弓二十有八以象星也龍旂九旂以象大火也鳥旗七旂以象鶉火也熊旗六旂以象伐也龜蛇四旂以象營室也弧旌枉矢以象弧也

注大火蒼龍宿之心其屬有尾尾九星鶉火朱鳥宿之柳其屬有星星七星伐屬白虎宿與參連體而六星營室玄武宿與東壁連體而四星觀禮曰侯氏載龍旂弧輶則旌旗之屬皆有弧也弧以張縵之幅有衣謂之輶又爲設矢象弧星有矢也蓋畫之

畫矢於輶

補注、旂著、繆垂者也、交龍鳥隼之屬、皆畫於繆、


輶



伏兔
又名輶
在軸上
左右




衡



軸



車
兵車
車田車



釋車

車式較內謂之輿大車名箱

其淡謂之隧

枕輿下謂之軫輿下四面材合而收輿者說見前方言軫謂之枕

軫謂之收詩秦風小戎伐收毛傳曰收軫也

拊輿旁謂之輶說文輶車旁也

式前謂之軛大馭右祭兩軛祭軛注故書軛為範杜子春云軛當為軛軛謂車軛前也韓人軛前十尺而策牛之法鄭司農云軛謂式

前也書或作軛玄謂軛是軛也謂輿下三面之材軛式之所對特車正也少儀祭左右軛注周禮大馭祭兩軛祭軛乃飲軛與范聲同謂軛前也詩邶風濟濟不濡軛毛傳曰由軛已上為軛今詩軛作軛以合韻改之也說文軛車軛前也从車凡聲周禮曰立當前軛今周禮大行人作前侯又為為疾與說文所引不同軛與輶皆與拊輿輶之言倚也兩旁人所倚也軛之言範也範圍輿前也後鄭說誤辨見前

軌謂之陰

詩秦風陰刺豎獲平傳曰陰拊軌也鄭箋曰拊軌在軾前垂轉上稱名陰蓋也橫側車前以陰答也按式前拊版直曰軌累呼

之曰拊軌如約數革直曰軌累呼之曰約軌

縮鞅上者謂之較

左右兩較望之而重故衛風曰猗重較兮毛傳重較卿士之車因詩解傳會得非禮制也

輿前卑於較者謂之式

說文軾車前也曲禮疏古者車箱長四尺四寸而三分前一後二橫一木下於車牀三尺

三寸謂之為式又於式上二尺二寸橫一木謂之為較較於車牀凡五尺五寸此條尺寸本之考工記而所言式較形制則大槩今各經傳注引呂氏大鈞說實曲禮疏之文學者曩涉文義見其明曉又尺寸有據不復演思詳考於是為車制一大障蔽姜氏兆錫曰三分車廣而一前二後者式在車中其前一尺四寸三分寸之二而餘為後也說同曲禮疏尤顯指式在車中苟如其說四尺四寸之與於今尺不盈三尺乃以式較隔斷其中為礙已甚有是理乎式與較皆車上之木局於輿外非橫在輿中較有兩在兩旁式有三面故說文槩言之曰車前鄭康成則曰兵車之式廣尺四寸三分寸之二若橫一木不得有濫矣式卑於較者以便車前射御執兵亦因之伏以式較

車闌謂之輪

曲禮僕與輪效駕釋文輪盧云車轄頭組也舊云車闌也說文輪車轄閒橫木轄車箱交錯也楚辭九辨倚結輪兮長太

息涕潺湲今下霜賦集注輪賦下從橫木按輪者賦較下從橫木統名即考工記之軹也結輪謂輪之銜從交結倚輪而涕霜賦則是倚於軹版內之輪故其涕得下霜賦盧植轄頭軹之說乃因漢時路車之轄施小轄謂之飛輪遂以解經爾古無是名也

軹內之輪謂之軹

軹之言積也積者木小枝交結也

式下人所對謂之軹

輪輶謂之牙牙謂之輶

釋名輶因也而羅周輪之外也關西曰輶言曲輶也或曰輶輶輶也輶連其外也

輪輶謂之輶輶近轂謂之股近牙謂之散

軸端之柄建轂中者謂之菑菑沒鑿謂之弱建牙中

者謂之蚤

以偏柄入牙而出之謂之綬

綬與聲相連故漢時呼爲輪綬說文集腋也所以轂底徹算中央隆高

而周圍算下輪之輶股近內而牙稍出但之賈疏云鑿牙之時其孔向外使三分寸之二使輶股外算此說誤也鄭注計轂廣必加綬之數以牙外出不與輶

以鐵爲管約數外兩端說文韜敦端沓也急就竊願師古注韜敦端之鐵也

離騷齊玉軼而竝馳方言關之東西曰轄南楚曰軼趙魏之間曰練鋪說文軼車轄也

說文亦作𦉰從革小雅約𦉰銷衛毛傳曰𦉰長穀之
𦉰也朱而約之疏誤以𦉰爲長穀名非也𦉰卽考工

記構革朱而約之者朱其革以構於餘也惟
長穀盡備大事短穀則無餘故曰長穀之穀

史記田單剽傳燕師長驅平齊而田單走安平令其宗人盡斷其軸末而傅鐵籠已而燕軍攻安平城壞齊人走爭塗以

轉折車敗爲燕所虜惟田單宗人以鐵籠故得脫方言車轉齊謂之轅說文
哥車軸端也亦作轉接軸長出轅外者名轉傳鐵籠謂以鐵爲轉故可短

設文銅車軸鐵也釋名銅開也開紅軸之閒使不相摩也

亦作轉銘輪行車者脂缸中以利轉
又設臺以制穀却風載脂載臺小雅

開闢車之舉今淮南子車之能轉千里者其要在三寸轄說文車軸端鍵也轉車聲也一曰鍵也急就篇注轄豎貫軸頭制轂之鐵也

易小畜九三與睽輻大畜九二與脫輻大壯九四壯于大輿之輶說文輶車伏兔也輶車軸縛也釋名輶似人股也又曰

伏兔在軸上倡之也又曰輹輹伏也伏於軸上也按輹輹實一字其下有革以轉於軸今易惟小畜作輹蓋輹字少見傳寫者誤輹在輹輹與牙之閒非可脫者又當連輪言不當連輹言後人不知輹何物於大壯大畜皆作輹解矣

輿下任正者謂之輹大車名輹

輹出軌前穹而上謂之胡胡謂之侯大行人立當前疾注上公立當輹侯伯立當疾

子男立當輹王立當輹與鄭司農云前疾謂駟馬車輹前胡下垂拉地者惠天牧曰論語邢昺疏引周禮作前侯云侯伯立當前侯胡下又小雅蓼蕭章孔疏

引大行人亦作前侯侯猶胡也故鄭注胡為胡以其在軌前故曰前侯

輹端謂之頸後謂之踵當兩輹之閒謂之當兔

輹謂之衡衡下為豚謂之輹左傳襄十四年射兩輹而還服注車輹兩邊又馬頸者杜注車輹卷者昭

二十六年射之中輹瓦絲附汰輹七入者三寸杜注入輹瓦也附車輹說文輹輹下曲者小爾雅稱衡也輹上者謂之為豚釋名馬曰為豚下向又馬頸伯鳥

開口向下豚物時也

所以持衡者謂之軌

亦作軌大車名觀論語大車無軌小車無軛其何以行之哉包咸注觀者轅端橫木以轉軛軌

者轅端上曲鈎衡其說誤也韓非子外儲說墨子曰吾不如爲車軛者巧也用
咫尺之木不費一朝之事而引三十石之任說文軛車軛耑持衡者軛大車軛
耑持衡耑接大車兩以駕牛小車軛以駕馬軛耑持衡其關鍵名軛耑持衡
其關鍵名軛耑所以引車必施軛軌然後行修之托人亦交接相持之關鍵
故以軛耑喻修身上曲上曲非別一物大車之兩即橫木橫
木即軛包氏以軛丈之軛六尺之軛而當咫尺之軛軛殊矣

車蓋之杠謂之程蓋斗謂之部其柄謂之達常

隆屈謂之弓

亦名蓋轅方言車枸簣朱魏陳楚之閒謂之簣或謂之簣簣
其上約謂之簣或謂之簣秦晉之閒自關而西謂之枸簣西

龍謂之枸南楚之外謂之簣或謂之簣風郭注即車弓也今亦通呼簣釋名
隆強言體隆而強也或曰車弓信弓曲也其上竹曰郎疏相遠鼎鼎然也

弓近部謂之股弓末謂之蚤

大車之較謂之牝服其內謂之箱

與有式較車高之
分箱則其上齊平

所以引車謂之軛

釋名軛接也
車之大接也

輓謂之高持高者謂之輓

說見軌下

輪輓謂之渠

小車所謂牙

有輻謂之輪無輻謂之𨾏

說文有輻曰輪無輻曰𨾏按雅記輻車鄭注引說文解之謂輻讀為𨾏又引周

禮曆車謂歷輪聲相近其制同輪𨾏半乘車之輪又於喪大記君大夫葬用輓士用國車謂輓與國皆為𨾏今考大夫庶中有載輓以輓之禮用輓用國車皆謂輓庶載輓之車國車即輓輓也既輓庶然後用輓車載輓以行鄭氏不以為葬之輓庶故誤爾惟周禮之歷車即輓車歷乃假借字輓其本字也輓車四輪而迫地其輪無輻然鄭氏以為即輪亦非也輓者車之名輪者輪之名不宜混而一之

攻金之工築氏執下齊冶氏執上齊鳧氏爲聲巢氏爲

量段氏爲鑄器桃氏爲刃

齊才細反段鍛古字通丁亂反

注多錫爲下齊大刀削殺矢鑒燧也少錫爲上齊鍾鼎斧斤戈戟也聲鍾錔于之屬量豆區鬴也鑄器田器錢鎛之屬刃大刀刀劍之屬

金有六齊六分其金而錫居一謂之鍾鼎之齊五分其金而錫居一謂之斧斤之齊四分其金而錫居一謂之戈戟之齊參分其金而錫居一謂之大刀之齊五分其金而錫居二謂之削殺矢之齊金錫半謂之鑒燧之齊注鑒燧取水火於日月之器也鑒亦鏡也凡金多錫

則忍白且明也

忍音刃

補注金謂銅錫謂鉛

築氏爲削長尺博寸合大而成規

注今之書刀


欲新而無窮

注謂其利也鄭司農云常如新無窮已

敝盡而無惡

注鄭司農云謂鋒鏑俱盡不偏索也玄謂刃也脊也其金如一雖至敝盡無瑕惡也

削



冶氏爲殺矢刃長寸圍寸鋌十之重三坑

鋌徒頂反坑音丸

注殺矢用諸田獵之矢也鄭司農云鋌箭足入橐中者也坑量名

補注矢七中博刃長寸自博處至鋒也矢人參分其羽以設其刃刃長二寸通謂七爲刃也圍寸不言博言圍者矢七有脊之減博不及一寸坑者十一銖二十五分銖之十三

戈廣二寸內倍之胡三之援四之

注戈今句子戟也或謂之雞鳴或謂之擁頸內謂胡以內接秘者也長四寸胡六寸援八寸鄭司農云援

直刃也胡其子

補注內連於援爲一直刃記分胡以內爲內胡以外爲援欲見置胡前卻之度胡廣二寸橫刃長六寸援之廣寸有半寸與

已倨則不入已句則不洩長內則折前短內則不疾是故倨句外博

注戈句兵也主於胡也已倨謂胡微直而袤多也以啄人則不入已句謂胡曲多也以啄人則創不洩胡之曲直鋒本必橫而取圓於磬折前謂援也內長則援短援短則曲於磬折曲於磬折則引之與胡竝鉤

內短則援長援長則倨於磬折倨於磬折則引之不疾博廣也倨之外胡之裏也句之外胡之表也廣其本以除四病而僂用也俗謂之曼胡侶此

疏云倨謂胡上句謂胡下倨與

句皆有外廣故云倨之外胡之裏謂於胡下近本增之使廣句之外胡之表謂於胡上近本增之使廣若然則胡本上下俱寬自然合於磬折無上四疾而僂用矣江先生曰分胡爲二圖處爲本上半順看倨之外畔在右爲裏下半倒看亦置本在下則句之外畔在左爲表注中表裏字蓋取諸此又曰倨與句之背皆爲外對亦之爲處爲內也倨句之博處爲本對鈔處爲末也

補注長內謂胡上仰短內謂胡下俛胡以背連直刃

處爲外倨句外博者曲直之度但於外增博之自無

太倨太句之失而俛仰亦得其正

鄭注倨句外博爲胡上下與已倨已句異侶未然

重三鈔

音刷所劣反字或作率選撰錄並六書假借

注許叔重說文解字云錡鍰也

說文鍰錡也从金爰聲虞書曰罰百鍰錡十銖二十五分銖之

十三也从金孚聲周禮曰重三銖北方以二十兩為錡

今東萊稱或以太半兩為鈞十鈞

為鍰

鍰作環者非

鍰重六兩太半兩鍰錡倍同矣則三錡為

一斤四兩

疏云錡鍰輕重無文故王肅之徒皆以六兩為鍰是以鄭引許氏及東萊稱為證也凡數言太者皆三分之二為太三分之一

為少以一兩二十四銖十六銖為太半兩尚書呂刑其罰百鍰偽孔傳六兩曰鍰釋文馬云賈遠說俗儒以錡重六兩周官釂重九銖俗儒近是疏曰或有存行之者十鈞為鍰二鍰四鈞而當一斤然則鍰重六兩三分兩之二多於孔王所說惟較十六銖耳史記周本紀其罰百率徐廣曰率即鍰也音刷平津書白通索隱曰尚書大傳云夏后氏不殺不刑死罪罰二千鍰馬融云鍰六兩漢書作鍰二字音同也蕭望之刻傳甫刑之罰小過放薄罪贖有金過之品應劭曰過音刷金銖兩名也師古曰音刷是也字本作錡錡即鍰也其重十一銖二十五分銖之十三

一曰重

六兩

補注鍰錡篆體易譌說者合為一恐未然也鍰讀如

丸十一銖二十五分銖之十三坑其假借字也。鈇讀如刷六兩太半兩率選饌其假借字也。二十五鍰而成十二兩三鈇而成二十兩呂刑之鍰當為鈇故史記作率漢書作選伏生大傳作饌弓人膠三鈇當為鍰一弓之膠三十四銖二十五分銖之十四賈逵說俗儒以鍰重六兩此俗儒相傳譌失不能覈實脫太半兩言之說文云北方以二十兩為鈇正合三鈇蓋脫太三字。徐本說文鈇十銖二十五分銖之十三本及陸德明所引並作十一銖徐本蓋脫太一字說文鈇引周禮重三銖當云北方以二十兩為三銖是以耶注非說文極三銖為一斤四兩

戟廣寸有半寸內三之胡四之援五之倨句中矩與刺

重三鈺

中陟
仲反


注戟今三鋒戟也。內長四寸半。胡長六寸。援長七寸半。三鈺者。胡直中短。言正方也。刺者著柶前如鐃者也。戟胡橫貫之。胡中短。則援之外句。磬折與。

補注引而前者曰援。在旁下垂者曰胡。戈一援戟二援也。中直援又名刺。與枝出之援同。長七寸半。內連於刺爲一直刃。通長尺二寸。猶夫戈之直刃。通長尺二寸也。戈援廣寸半。猶夫戟廣寸半也。省文互見。


矢



戈



戟



江先生曰戈戟皆有曲胡而異用以春秋傳考之獲長秋僑如富父終
甥持其喉以戈殺之此用搗之直刃搗之也狼臯取戈以斬囚此用胡
之曲刃斬之也子南以戈擊子皙而僎苑何忌刺林雍斷其足臽亦
文胡擊之射之他若士華免以戈殺國佐長魚矯以戈殺駒伯用搗
胡皆可云發子都拔戟逐穎考叔靈輒倒戟禦公徒皆疑用戟之刺與
搗者也狂狡倒戟出鄭人於井反為鄭人所獲樂乘槐本而覆或以
戟句之斬肘而死皆用下胡鉤人者也戰胡橫直皆三寸其閒甚狹何
能鉤人出於井蓋鉤其衣若帶是以其人不傷反能鉤者也鉤樂
斷肘而死蓋本欲生食之故不用刺與搗而用胡以鉤之鉤之而胡之
下鋒貫肘曳之而肘遂斷也明乎戈戟之用而後可以知戈戟之形

桃氏爲劒臘廣二寸有半寸

注臘謂兩刃

補注劒兩刃兩脊分其面爲四通謂之臘其面平故言廣廣卽圍也

兩從半之

注鄭司農云謂劒脊兩面殺趨鐔

自劒背中分之爲兩從從舉兩面則臘舉四面明矣

以其臘廣爲之莖圍長倍之

注鄭司農云莖謂劒夾人所握鐔已上也立謂莖在

夾中者莖長五寸

刃後之鋌曰莖以木傳莖外復持握者曰夾

中其莖設其後

補注後謂劒環卽鐔也。在人。所握之下。故名。後與人。所握之上。名首相對之稱也。中其莖。設其後者。鐔大。於莖。令莖在中。而設之。不偏左右也。設其後。猶之曰。設其旋。設其羽爾。

參分其臘廣。公一。以爲首廣。而圍之。

注首圍其徑一寸三分寸之二。


首必大於劒刃。故如臘廣舉四面。

身長五。其莖長。重九。鐔謂之上制。上士服之。身長四。其莖長。重七。鐔謂之中制。中士服之。身長三。其莖長。重五。鐔謂之下制。下士服之。

注上制長三尺。重三斤十二兩。中制長二尺五寸。重

二斤十四兩三分兩之二下制長二尺重二斤一兩
三分兩之一此今之匕首也人各以其形貌大小帶
之

劍



鳧氏爲鍾兩樂謂之鈇

樂力端反
鈇先典反

注杜子春云鈇鍾口兩角

疏云古之樂器應律之鍾狀
如今之鈇不圓故有兩角也

鈇閒謂之于于上謂之鼓鼓上謂之鉦鉦上謂之舞

舞

注此四名者鍾體也鄭司農云于鍾唇之上袷也鼓
所擊處

舞上謂之甬甬上謂之衡

注此二名者鍾柄

鍾縣謂之旋旋蟲謂之榦

注旋屬鍾柄所以縣之也鄭司農云旋蟲者旋以蟲
爲飾也立謂今時旋有蹲熊盤龍辟邪

考工記圖
鍾帶謂之篆篆閒謂之枚枚謂之景

注鄭司農云枚鍾乳也

補注篆也枚也皆在鉦

于上之擲謂之隧

擲莫賀反

注擲所擊之處擲敝也隧在鼓中窒而生光有侶夫隧

十分其銑公二以爲鉦

補注銑與鉦之脩也古鍾體羨而不圓故有脩有廣
橢圓大徑爲脩小徑爲廣以舞脩六廣四側之脩十
者其廣六又三之二脩八者其廣五又三之一鍾體

下大上斂。銑之脩廣據銑下鍾口也。鉦之脩廣據鉦下界於銑鼓之處。當鍾體之半也。

以其鉦爲之銑閒。公二分以爲之鼓閒。

補注。銑閒鼓閒同爲鍾體之下半。銑以兩旁言。鼓以中擊處言。兩旁有垂角。鍾肩穹曲而上不齊平。故中殺於旁四之一。

以其鼓閒爲之舞脩。公二分以爲舞廣。

補注。舞者鍾體上覆。其脩六是爲橢圓大徑。其廣四是爲橢圓小徑。鍾之羨宜準此爲度矣。

以其鉦之長爲之甬長。以其甬長爲之圓。參分其圓公

一以爲衡圍參分其甬長二在上、一在下以設其旋

補注、鉦之長卽鉦閒鍾體上半也記不言鉦閒之度

者以十分其銑分二以爲鉦又分二以爲舞脩斂殺

以二銑閒八鉦閒亦八可知此句股之濶猶之言舞脩舞廣

而鉦與銑之羨可不言也省文之濶若此甚衆衡者

甬頂平處鍾體鍾柄皆下大漸斂而上甬之爲言如

華甬之聳長蠶化甬甬化蛾形亦相類故甬長與鉦

等宋宣和閒所得古鍾其柄之長大率二爲鍾體一

爲鍾柄記長甬則震謂更長乎是乃震掉爾

薄厚之所震動清濁之所由出侈弇之所由興

已厚則石已薄則播侈則柞弇則鬱長甬則震

柞側百反

注太厚則聲不發太薄則聲散柞讀爲咋咋然之咋聲大外也

是故大鍾十分其鼓閒以其一爲之厚小鍾十分其鉦閒以其一爲之厚

補注大鍾鍾體大矣十取一以爲厚者恐太厚故取之鼓閒小鍾鍾體小矣十取一以爲厚者恐太薄故取之鉦閒此鉦閒宜寬於鼓閒之明證也

鍾大而短則其聲疾而短閒

聞音

注淺則躁躁易竭也

鍾小而長則其聲舒而遠聞


注淡則安安難息

疏云於樂器中所舉縱聲舒而遠聞亦不可是以樂記云止如橋木不決遠聞之喻也

為遂六分其厚以其一為之淡而圓之

遂當作隨

注厚鍾厚淡謂望之也其望圓



古之樂鍾磬而不圓皆有策閒之故故其聲一定而不游記言舞脩舞
廣則鉦與鈇之義皆以舞側之其殺三之一也歐陽氏集古錄曰古樂
鍾皆側輪與今異初王朴作編鍾不圓至李照等奉詔脩樂以朴鍾爲
非及得寶和鍾其狀正與朴鍾同乃知朴爲有識也

臬氏爲量改煎金錫則不耗不耗然後權之

耗俗作耗

注消漚之精不復減也量當與鍾鼎同齊工異者大器

權之然後準之

補注以合度之方器承水置金其中則金之方積可計而其體之重輕大小可合而齊此準之之灋也

準之然後量之

量讀如量人之量

補注量範之大小所受以爲用金多少之量數也先權之以知輕重次準之以知輕重若干爲方積幾何又次量之以知爲器大小受金多寡

量之以爲鬴。淡尺，內方尺而圓其外，其實一鬴。

注以其容爲之名也。四升曰豆，四豆曰區，四區曰鬴。

鬴六斗四升也。鬴十則鍾。方尺積千寸。

此立方之濶

於今粟

米濃少二升八十一分升之二十二

疎云算濃方一尺淡尺六寸二分容一石

其

數必容鬴。此言內方爾圓其外者謂之屑。

其鬻一寸其實一豆

鬻徒門反

注杜子春云謂覆之其底淡一寸也。

其耳三寸其實一升。

注耳在旁可舉也。

重一鈞。

注重三十斤

其聲中黃鍾之宮

中陟仲反

補注黃鍾之宮管子所謂黃鍾小素之首以成宮者

是也

見地員篇

呂氏春秋曰黃鍾之宮聲之本也清濁之衷

也

見通音篇

又曰管黃帝令伶倫作爲律自大夏之西乃之

阮險之陰取竹於嶰谿之谷以生空竅厚鈞者斷兩

節閒其長三寸九分

當作四寸五分

而吹之以爲黃鍾之宮吹

曰舍少次制十二筒以之阮險之下聽鳳皇之鳴以

別十二律其雄鳴爲六雌鳴亦六以比黃鍾之宮適

合黃鍾之宮皆可以生之故曰黃鍾之宮律呂之本

樂鑑

又曰黃鍾生林鍾林鍾生太簇太簇生南呂南呂

生姑洗姑洗生應鍾應鍾生蕤賓蕤賓生大呂大呂

生夷則夷則生夾鍾夾鍾生無射無射生仲呂三分

所生益之一分以上生三分所生去其一分以下生

黃鍾大呂太簇夾鍾姑洗仲呂蕤賓爲上林鍾夷則

南呂無射應鍾爲下

見音律篇爲上謂七者以半律上生爲下謂五者以全律下生

月令中央

土其音宮律中黃鍾之宮疏云蔡氏及熊氏以爲黃

鍾之宮謂黃鍾少宮也半黃鍾九寸之數管長四寸

五分

蔡氏熊氏者蔡邕月令章句熊安生禮記義疏

江先生曰黃鍾生林鍾不以全

律下生而以半律上生則黃鍾之宮位乎清濁之間

在其前者有林鍾夷則南呂無射應鍾五全律爲濁而下生乎清在其後者有大呂太簇夾鍾姑洗仲呂蕤賓六半律爲清而上生乎濁也又曰後世之樂黃鍾宮以清黃爲調首正宮調不當最濁之律而在清濁之間此正伶倫以黃鍾之宮爲律本之意亦聲律自然之理震謂後儒惟知黃鍾爲最長之律於傳記所稱黃鍾之宮不復識別久矣其說非專書不可明

茲附見其略

江先生名永字慎
脩著律呂新義

槩而不稅

槩古變反稅
脫古字通

補注平鬴區者曰槩方希原曰稅者脫然突起高於


量也言槩平之不使滿出

其銘曰時文思。索允臻其極。嘉量既成以觀四國。永啟厥後。茲器維則。

注銘刻之也。時是也。言是文德之君思求可以爲民立灋者而作此量以觀示四方使放象之。


凡鑄金之狀。金與錫黑濁之氣竭。黃白次之。黃白之氣竭。青白次之。青白之氣竭。青氣次之。然後可鑄也。
注消涑金錫精麤之候。

量
輔



方希原曰即夏書所謂和鈞也此器兼律度量衡方尺深尺則度也實一輔則置也重一鈞則衡也聲中黃鍾之宮則律也內方外圓則方圓算積少廣旁要之理賅而具也
凡圓內容方方內又容圓則內圓得外圓之半外圓得內圓之倍方內容圓圓內又容方則內方得外方之半外方得內方之倍方徑縱橫各自乘并之爲實開方除之是爲外圓徑

量
升豆



覆之器以
爲豆耳以
爲升

段氏

函人爲甲犀甲七屬兕甲六屬合甲五屬

屬讀如灌注之法
之樹反合音周

注屬謂上旅下旅札續之數也革堅者札長鄭司農
云合甲削革裏肉但取其表合以爲甲

補注合之爲言取重堅相并字亦作鞣惠天牧曰鞣

猶堅也荀子犀兕鉸革鞣如金石

管子小匡注鞣革重革
當心著之可以禦矢

犀甲壽百年兕甲壽二百年合甲壽三百年

注革堅者又支久

凡爲甲必先爲容

注服者之形容也鄭司農云容謂象式

然後制革

注裁制札之廣袤

權其上旅與其下旅而重若一以其長爲之圍

注鄭司農云上旅謂要已上下旅謂要已下

上旅甲衣
下旅甲裳

補注合言之上旅下旅通謂之甲分言之上旅謂之

甲

又名爲
盤領

下旅謂之髀禪甲之札有七屬六屬五屬髀

禪之札屬與甲等合上旅下旅之長以爲中要圍

凡甲鍛不挈則不堅已敝則橈

注鄭司農云鍛鍛革也鍛革太孰則革敝無強曲橈也立謂挈之言致

凡察革之道。眠其鑽空。欲其窓也。

鑽作官反。空音孔。窓於阮反。

注鄭司農云。窓小孔貌。

惠天牧曰。呂氏春秋。邪之故法。爲甲裳以帛。公忌忌胡邪。君曰。不若以組。凡甲之所以爲

固者。以滿竅也。今數滿矣。而任力者半爾。組則不然。數滿則盡任力矣。邪君以爲然。然則察革之道。先眠其竅。竅大則難盈。故任力半。竅小則易滿。故任力全。

眠其裏。欲其易也。

易以豉反。

注無敗歲也。

補注。易治也。治除革裏敗歲。犀甲兕甲皆然。若合甲

則用功尤多。但存其表。

眠其朕。欲其直也。

朕直忍反。

補注。舟之縫理曰朕。故札續之縫亦謂之朕。

藥之欲其約也。

藥音莖。

注鄭司農云謂卷置橐中也

橐甲者

舉而眠之欲其豐也衣之欲其無齡也

衣於既反齡戶界反

注豐大鄭司農云齡謂如齒齡

說文云齡齒相切也凡齒相切以斷物必不齊

眠其鑽空而窓則革堅也眠其裏而易則材更也眠其
朕而直則制善也橐之而約則周也舉之而豐則明也
衣之無齡則變也

更音庚

注周密致也明有光耀鄭司農云變隨人身便利

補注更者敗蕪除而材更化蓋革宜柔柔則利於屈

伸而能久

鮑人之事望而眠之欲其茶白也進而握之欲其柔而

滑也。卷而搏之。欲其無弛也。砥其著。欲其淺也。察其線。

欲其藏也。搏音國著直略反

注韋革遠砥之。當如茅秀之色。鄭司農云。無弛謂革

不離。玄謂韋革調善者。鋪著之。雖厚如薄。然林氏曰著者慢著於物之

上不見其厚。但見其薄。淺即薄也。

革欲其茶白而疾浣之。則堅。浣胡玩反

注鄭司農云。韋革不欲久居水中。

欲其柔滑而腥脂之。則需。腥讀如沾渥之渥。於角反。需濡同。

補注腥厚也。需潤澤也。

引而信之。欲其直也。信之而直。則取材正也。信之而枉。

則是一方緩一方急也。若苟一方緩一方急，則及其用之也，必自其急者先製。若苟自急者先製，則是以博爲

棧也。

信仲古今字棧如
倭淺之倭音踐

補注：覆巾狹淺曰棧。此通以言革革製，則博與棧同實。

卷而搏之而不弛，則厚薄序也。眡其著而淺，則革信也。注序舒也。謂其革均也。信無縮緩。

察其線而藏，則雖敝不類。

注：鄭司農云：謂韋革縫縷沒藏於韋革中，則雖敝縷不傷也。

韠人爲皋陶

皋古勞反
陶徒刀反

注鄭司農云皋陶鼓木也

長六尺有六寸左右端廣六寸中尺厚三寸

注版中廣頭狹爲穹隆也鄭司農云謂鼓木一判者其兩端廣六寸而其中中央廣尺也如此乃得有腹

穹者三之一

注穹隆者居鼓面三分之一則其鼓四尺者版穹一尺三寸三分寸之一也倍之爲二尺六寸三分寸之二加鼓四尺穹之徑六尺六寸三分寸之二也此鼓

合二十版

據周三徑一
約率計之

上三正

注三讀當爲參正直也參直者穹上一直兩端又直各居二尺二寸不弧曲也此鼓兩面以六鼓鑾之賈侍中云晉鼓大而短近晉鼓也以晉鼓鼓金奏

鼓長八尺鼓四尺中圍加三之一謂之鼗鼓

鼗扶云反

注中圍加三之一者加於面之圍以三分之一也面

四尺其圍十二尺

密率徑四尺者圍十二尺五寸三分寸之二

加以三分一四尺

則中圍十六尺徑五尺三寸三分寸之一也今亦合

二十版則版穹六寸三分寸之二爾

皆約率不足準

大鼓謂之

鼗以鼗鼓鼓軍事

爲皋鼓長尋有四尺鼓四尺倨句磬折

注以皋鼓鼓役事磬折中曲之不參正也中圍與鼗鼓同以磬折爲異

凡冒鼓必以啟蟄之日

注啟蟄孟春之中也蟄蟲始聞雷聲而動鼓所取象也冒蒙鼓以革

良鼓瑕如積環


注革調急也

疏云若急而不調則不得然也林氏曰瑕者瑕也鼓皮既漆其皮觀急則文理累累如環之積

鼓大而短則其聲疾而短聞鼓小而長則其聲舒而遠


聞

晉鼓



鼗鼓

中國加
三之一
六寸
三寸
六分
二寸
之



皋鼓



韋氏闕

裘氏闕

畫績之事雜五色東方謂之青南方謂之赤西方謂之白北方謂之黑天謂之玄地謂之黃青與白相次也赤與黑相次也玄與黃相次也

注此言畫績六色所象及布采之次第績以爲衣青與赤謂之文赤與白謂之章白與黑謂之黼黑與青謂之黻五采備謂之繡

注此言刺繡采所用繡以爲裳

土以黃其象方天時變火以圓山以章水以龍鳥獸蛇

雜四時五色之位以章之謂之巧

補注凡衣裳旗旐所飾必合四時五色之位雜閒章

施之

鄭注讀爲山以獵又解鳥獸蛇爲華蟲未聞其審

凡畫績之事後素功

注素白采也後布之爲其易漬汙也

鄭注論語云繪畫文也凡繪畫先布衆色然後

以素分布其閒以成其文惠天牧曰古者畫繡而衣繪畫繪之事代有師傳秦廢之而漢明復古所謂班固白珠密有章康成蓋目觀之鄉射記曰凡畫者丹質則丹地加采矣司常九旗畫日月龍蛇之象亦以絳帛爲質也

鍾氏染羽以朱湛丹秬三月而熾之淳而漬之

湛音鳩秬音述淳章倫反

注鄭司農云丹秬赤臬立謂熾炊也淳沃也以炊下

湯沃其熾

疏云卽以炊下湯淋所炊丹秬

烝之以漬羽漬猶染也

三入爲纁五入爲緌七入爲緇

注染纁者三入而成

士冠禮注云凡染纁一入謂之纁再入謂之緌三入謂之緇朱則四入與

又再染

以黑則爲緌緌今禮俗文作爵言如爵頭色也又復

再染以黑乃成緇矣凡玄色者在緌緇之間其六入

者與

士冠禮注云凡染黑五入爲緌七入爲緇玄則六入與疏云淮南子云以涅染紺則黑於涅涅卽黑色也緌若入赤汁則爲朱若不入赤而入

黑汁則爲紺矣若更以此紺入黑則爲緌而此五入爲緌是也若更以此緌入黑汁卽爲玄更以此玄入黑汁則名七入爲緇矣

筐人

幌氏凍絲以浼水漚其絲七日去地尺暴之晝暴諸日

夜宿諸井七日七夜是謂水凍

浼音銳反漚烏豆反暴步莫反

注浼水以灰所沸水也漚漸也楚人曰漚齊人曰淒

宿諸井縣井中

補注凡凍絲凍帛灰凍水凍各七日

凍帛以欄爲灰渥渥其帛實諸澤器淫之以蜃欄音練渥如字

注鄭司農云澤器謂滑澤之器蜃謂灰也士冠禮曰

素積白屨以魁柎之說曰魁蛤也周官亦有白盛之

蜃蜃蛤也立謂淫薄粉之令帛白

補注渥渥者以欄木之灰取瀋厚沃之也凡凍帛朝

沃欄瀋夕塗蜃灰

清其灰而盪之而揮之而沃之盪音鹿

注清澂也於灰澂而出盪晞之晞而揮去其蜃更渥

淳之

補注清其灰者每日之朝置水於澤器中以激蜃灰
乃取帛出盪之揮之更沃欄藩

而盪之而塗之而宿之

補注每日之夕盪欄藩塗蜃灰經宿

明日沃而盪之

注亦七日如漚絲也

補注明日者承宿之爲言也沃前則清其灰而盪之
揮之沃後則盪之塗之宿之詳畧互見

晝暴諸日夜宿諸井七日七夜是謂水凍